



REPUBLIKA E KOSOVËS  
REPUBLIC OF KOSOVA  
REPUBLIKA KOSOVA

KOMUNA E DEÇANIT  
MUNICIPALITY OF DEÇAN  
OPSTINA DEÇAN



Datë/A:	31.12.2025
Për/Za/To:	<b>Bashkim RAMOSAJ - Kryetar i Komunës</b> <b>Edi GUSIA-Kryeshefe ekzekutive e Agjencionit për Barazi Gjinore</b> <b>Hajdar SUTAJ- Kryesues i Asamblesë Komunale</b>
Nga/From/Od : Përmes:	Ajne Iberhysaj-U.D Zyrtare për Barazi Gjinore
Tema/Subject/Subjekt	<b>Raporti për periudhën Janar- Dhjetor - 2025</b>



Raporti përmbledh aktivitetet, angazhimet e Zyrës për Barazi Gjinore gjatë periudhës janar–dhjetor 2025. Qëllimi i këtij raporti është të ofrojë transparencë dhe pasqyrim të qartë të punës institucionale, në përputhje me Ligjin për Barazi Gjinore Nr. 05/L-020 dhe Planin Komunal për Barazi Gjinore 2023–2026, që promovon pjesëmarrjen e barabartë të grave dhe burrave në të gjitha fushat.

Zyra për Barazi Gjinore, në kuadër të Zyrës së Kryetarit të Komunës, ka qenë e përkushtuar në zbatimin e Planit vjetor të punës (nr. protokollit 02/956, datë 10.01.2025), në kuadër të cilit janë paraparë gjithsej 16 aktivitete, prej të cilave janë realizuar po ashtu 16 aktivitete, të cilat aktivitete janë realizuar në bashkëpunim me institucionet relevante dhe drejtoritë komunale përkatëse. Aktivitetet kanë pasur për synim:

- Avancimin e barazisë gjinore në nivel institucional;
- Forcimin e bashkëpunimit ndërinstytucional përmes Mekanizmit Komunal Kundër Dhunës në Familje;

Gjatë kësaj periudhe, Zyra ka marrë pjesë në punëtori dhe trajnime të organizuara nga Kolegjiumi për Barazi Gjinore, OSBE, Shtëpia e Sigurt në Pejë, dhe organizata të tjera partnere. Fokus i këtyre angazhimeve ka qenë:

- Hartimi dhe zbatimi i politikave publike me përfshirje gjinore;
- Integrimi i perspektivës gjinore në politikat mjedisore dhe të energjisë;
- Monitorimi i zbatimit të ligjeve për mbrojtje nga diskriminimi.

Stampa e zyrtare e Komunës së Decanit, me datë 23.01.2026 dhe numër 02. Barazi Gjinore 1831.

Gjithashtu, në këtë raport paraqitet vlerësimi i përfaqësimit gjinor në institucionet publike komunale, në bazë të dhënave të siguruara nga Njësia për Menaxhimin e Burimeve Njerëzore. Struktura gjinore është analizuar në tri sektorë kyç: komune (administratë), arsim dhe shëndetësi.

### **1. Administrata Komunale**

Nëpunës civilë të shërbimit civil: gjithsej 86 persona, prej të cilëve 52 janë burra dhe 34 gra.

Nëpunës të shërbimit publik: gjithsej 18 persona, nga të cilët 12 janë burra dhe 6 gra.

Stafi administrativ dhe mbështetës: 5 burra.

### **2. Arsimi**

Nëpunës të shërbimit publik: gjithsej 420 persona, prej të cilëve 160 janë burra dhe 260 gra.

Stafi administrativ dhe mbështetës: gjithsej 157 persona, nga të cilët 118 janë burra dhe 39 gra.

### **3. Shëndetësia**

Nëpunës të shërbimit publik: gjithsej 123 persona, prej të cilëve 37 janë burra dhe 86 gra.

## **Buxhetimi i Përgjegjshëm Gjinor (BPGJ) – për vitin 2025**

Buxhetimi i Përgjegjshëm Gjinor (BPGJ) paraqet një qasje që synon ndarjen e burimeve financiare në mënyrë të drejtë dhe të barabartë mes grave dhe burrave, duke u bazuar në nevojat dhe prioritetet tyre në nivel lokal. Më poshtë paraqitet struktura tabelare e ndarjes së subvencioneve dhe përfituesve sipas gjinisë për vitin 2025 për Komunën e Deçanit.

Viti	Numri total i shërbimeve (në €)	Numri total i përfituesve	Gra	Burra	Buxheti për gra (në €)	Buxheti për burra (në €)
2025	350,000.00	300	150	150	200,000.00	150,000.00

- Ndarja e buxhetit për vitin 2025 është e barabartë për gratë dhe burrat, si në numër përfituesish, ashtu edhe në vlerë financiare.
- Kjo tregon përfshirjen e komponentës gjinore në politikat lokale të ndarjes së burimeve dhe përmbushjen e parimeve të buxhetimit të përgjegjshëm gjinor.

**Mbështetja financiare për OJQ-të dhe klubet sportive  
(Sipas Njoftimit me nr. protokoli 02/14776, datë 18.06.2025)**

Komuna ka ndarë një shumë totale prej **79,500.00 €** për mbështetjen e **organizatatave joqeveritare (OJQ-ve)** dhe **klubeve sportive**, në kuadër të thirrjes publike të bërë më datë 18 qershor 2025. Mbështetja është bërë mbi bazën e kriterëve të përcaktuara paraprakisht dhe pas vlerësimit të aplikimeve të pranuar.

**Tabela 1. Përmbledhje e përfituesve sipas gjinisë**

<b>Nr. Përshkrimi</b>	<b>Numri i organizatave</b>	<b>Shuma totale (€)</b>
1 Organizata të udhëhequra nga gra	6	6,500.00
2 Organizata të udhëhequra nga burra	23	73,000.00
<b>Gjithsej</b>	<b>29</b>	<b>79,500.00</b>

Në këtë listë janë përfshirë dhe mbështetur edhe organizatat që udhëhiqen nga gratë, duke kontribuar në promovimin e barazisë gjinore në fushën e shoqërisë civile dhe sportit.

- Janë mbajtur katër takime të Mekanizmit Komunal kundër Dhunës në Familje dhe janë hartuar procesverbale të takimeve, të cilat janë publikuar në ueb faqen komunale.
- Botimi i broshurës informuese, e cila përmban infrastrukturën ligjore që rregullon dhe përmirëson nivelin e sigurisë dhe efikasitetit për parandalimin, trajtimin dhe ri-integrimin e rasteve të dhunës në familje.
- Gjithashtu, drejtoria për bujqësi, pylltari dhe zhvillimi rural ka ndarë subvencione për gratë; rritjen e kapaciteteve të serave dhe pajisje bujqësore në bashkëpunim me donatorë.
- Mbështesja e grave në bujqësi nga komuna e Deçani, duke u bazuar në Thirrjen për Aplikim në "Projektin për Mbështetje të Fermerëve me Mekanizma Bujqësor - Shpallur nga Drejtoria e Bujqësisë, Pylltarisë dhe Zhvillimit Rural të datës: 28.07.2025 me Nr. të Prot: 19164 si dhe duke u bazuar në Vendimin e datës: 14.11.2025 me Nr. të prot:31808 për themelimin e Komisionit Komunal për Verifikimin, Vlerësimin dhe Shpalljen e Përfituesve të Mekanizmit Bujqësor, komisioni ka filluar menjëherë punën dhe ka marrë përgjegjësitë me të cilat obligohet. Sipas vendimit me nr. 08/33087 dt. 08.12.2025 sipas listës e ndarë në kontingjentin 1 dhe 2 përfitues janë **gjithsej 416** ku nga kjo listë përfitues femra janë: **26 fermere** përfituese dhe **390 fermer** përfitues të mekanizmit bujqësor për vitin 2025.

- Për vitin 2025 nga Drejtoria për Buxhet dhe Financa është bërë rimodelimin e KAB-it nga perspektiva gjinore, të planifikimit të buxhetimit për vitin 2025 nga perspektiva gjinore është paraparë 350,000.00 €.
- Duke u bazuar në objektivat e strategjisë kundër dhunës në familje, Komuna e Deçanit ka Marrëveshje Mirëkuptimi me Qendrën e Strehimit në Pejë, për financimin e kësaj qendre për çdo vit, janë nda mjete buxhetore për viktimat e strehuara me vlerë **3000 €**.
- Komuna e Deçanit, ka punësuar 4 psikologë, politikë kjo që e bënë më të lehtë identifikimin e dhunës në familje, pasi që dhuna ndikon indirekt edhe tek fëmijët në familje, pasi fëmijët e përjetojnë më së rëndi dhunën në familje, dhe identifikimi i tyre mund të bëhet më lehtë nga psikologët shkollor.
- Gjithashtu duke u bazuar në raportin e komisionit për ndarje të bursave për studentet me nr. të prokollit 02/31892 dt 17.11.2025, përfitues janë gjithsej 217 studentë prej cilëve studente janë:163 dhe 54 student që kanë përfitua bursë studentore për vitin 2025.

## **Aktivitetet e realizuara nga Zyra për Barazi Gjinore për periudhën janar –dhjetor**

Zyra për Barazi Gjinore për periudhën janar – dhjetor ka realizuar sipas zbatimit të Planit vjetor të punës (nr. protokollit 02/956, datë 10.01.2025), aktivitetet që janë paraqitur në mënyrë të detajuar sipas planit janë gjithsej 16 aktivitete dhe po ashtu janë të realizuara dhe të paraqitura me numër dhe pasqyruar me foto, të cilat kanë pat për qëllim të veçantë përmirësimi dhe fuqizimi i grave në nivel lokal, aktivitete e realizuara janë gjithsej 16 si në vijim:

### **1. Punëtori me mekanizmin kundër dhunës në familje në Komunën e Deçanit (24 shkurt 2025)**

Zyra për Barazi Gjinore në Komunën e Deçanit, në bashkëpunim me rrjetin “Qeliza” nga Gjakova, organizuan më 24 shkurt 2025 një punëtori me pjesëmarrjen e anëtarëve të Mekanizmit Kundër Dhunës në Familje si dhe aktorëve të tjerë relevantë lokalë. Kjo punëtori u realizua në kuadër të projektit “**Së bashku mundemi: Shpresë dhe Ndryshim**”, dhe u koordinua nga Znj. Ajne Iberhysaj, zyrtare për barazi gjinore në Komunën e Deçanit, në cilësinë e Koordinatorës Lokale dhe Sekretares së Mekanizmit. Me pjesëmarrje prej 20 vetave ( gjashtë burra dhe 16 gra)

Nën udhëheqjen profesionale të trajnerit z. **Arbnor Pula**, pjesëmarrësit diskutuan mbi funksionimin e Mekanizmit Koordinues Komunal, rishikuan planin e veprimit për vitin 2025, si dhe identifikuan sfidat që duhet adresuar për të përmirësuar ndërhyrjet institucionale kundër dhunës në familje. Përmes një bashkëbisedimi të hapur dhe konstruktiv, u dhanë rekomandime të rëndësishme për forcimin e bashkëpunimit ndër-institucional dhe përmirësimin e shërbimeve të mbështetjes për viktimat. Ky aktivitet u realizua si pjesë e një nën-granti të Programit EU-CERV, i mbështetur nga Ecumenical Women’s Initiative (EWI) dhe zbatuar nga Rrjeti “Qeliza”. Zyra për Barazi Gjinore falënderon z. **Faik Jahmurataj**, komandantin e Stacionit të Policisë në Deçan, si dhe të gjithë pjesëmarrësit për angazhimin dhe kontributin e tyre në ndërtimin e një të ardhmeje më të sigurt dhe më të drejtë për të gjithë qytetarët. Foto nga Takimi



<https://www.facebook.com/photo/?fbid=1181392370663336&set=pcb.1181392573996649>

## 2. Punëtorja me temë: “Integrimi në treg, zinxhiri i vlerës dhe ndërmarrësi”

Më 27 shkurt 2025 u mbajt punëtorja me temë “Integrimi në treg, zinxhiri i vlerës dhe ndërmarrësi”, organizuar në bashkëpunim me Zyrën për Barazi Gjinore dhe Shtëpinë e Strehimit në Pejë, në kuadër të një projekti të mbështetur nga UNMIK-u.

Punëtorja u udhëhoq nga znj. Ardita Ramizi-Bala, drejtoreshë e Shtëpisë së Sigurisë, dhe znj. Lumturie Ibra, koordinatore e projektit. Në aktivitet morën pjesë gjithsej 17 persona, nga të cilët 7 burra dhe 10 gra.

Gjatë punëtorisë, znj. Ramizi-Bala prezantoi rëndësinë e fuqizimit ekonomik të grave dhe mbështetjes për sipërmarrëset, duke theksuar mundësitë që ofron tregu si dhe sfidat me të cilat përballen gratë në zhvillimin e bizneseve të tyre.

Z. Enver Cacaj, shef i Burimeve Njerëzore në Komunën e Pejës, foli për kuadrin ligjor dhe programet sociale që mbështesin gratë sipërmarrëse, duke ndarë informacione për mbështetjen institucionale dhe mundësitë për përfshirje në iniciativa zhvillimore.

Znj. Fitore Kuqi, zyrtare për regjistrimin e bizneseve, prezantoi procedurat për hapjen e bizneseve dhe sfidat që i shoqërojnë gratë në këtë proces, duke informuar pjesëmarrësit edhe për lehtësirat e mundshme që u ofrohen grave në krijimin e aktiviteteve ekonomike.

Ky aktivitet shërbeu si një platformë e rëndësishme për të diskutuar sfidat dhe mundësitë e grave në tregun e punës, për të shkëmbyer përvoja dhe ide, si dhe për të promovuar iniciativa të reja sipërmarrëse që kontribuojnë në integrimin ekonomik dhe fuqizimin e rolit të grave në shoqëri.

Foto nga punëtorja me temë “Integrimi në treg, zinxhiri i vlerës dhe ndërmarrësi”,



<https://www.facebook.com/photo/?fbid=1186491446820095&set=pcb.1186491736820066>

### 3. Punëtorja mbi “Edukimin Shëndetësor” me nxënësit e IAAP “Tafil Kasumaj”

Zyra për Barazi Gjinore, në bashkëpunim me Drejtorinë për Shëndetësi dhe Institucionin për Arsimin dhe Aftësimin Profesional (IAAP) “Tafil Kasumaj”, organizoi një punëtori me temë “Edukimi shëndetësor”, e udhëhequr nga profesori i Mjekësisë, Dr. Elton Kuçi. Në këtë aktivitet morën pjesë 35 nxënës, prej të cilëve 23 vajza dhe 12 djem.

Drejtoresha për Shëndetësi, znj. Agnesa Vokshi, theksoi se edukimi shëndetësor për të rinjtë është një prej prioriteteve kryesore të Drejtorisë që ajo udhëheq. Ajo vuri në dukje rolin kyç të edukimit të vajzave në fushat e ushqyerjes së shëndetshme, higjienës dhe përfshirjes në aktivitete fizike, si elementë të rëndësishëm për mirëqenien e përgjithshme e njëjta ri konfirmoi përkrahjen e saj të vazhdueshme për iniciativë të tilla edukuese, si dhe mbështetjen e pakushtëzuar të Kryetarit të Komunës, z. Bashkim Ramosaj.

Gjatë ligjëratës, Dr. Elton Kuçi theksoi se edukimi shëndetësor nuk është vetëm informim, por një proces i vazhdueshëm dhe gjithëpërfshirës, që përfshin profesionistët shëndetësorë, familjen, shkollën dhe komunitetin. Ai potencoi se përmes edukimit shëndetësor, të rinjtë fitojnë njohuri dhe aftësi për kujdes ndaj vetvetes dhe të tjerëve, duke kontribuar në ndërtimin e një shoqërie të shëndetshme. Në këtë punëtori u trajtuan temat kryesore:

- Ushqyerja e shëndetshme dhe aktiviteti fizik
- Higjiena personale dhe ambientale
- Vaksinimi dhe parandalimi i sëmundjeve ngjitëse
- Kujdesi ndaj shëndetit mendor dhe emocional
- Ndërgjegjësimi dhe parandalimi i zakoneve të dëmshme (duhani, alkooli, substanca narkotike)

Në përmbyllje, Dr. Kuçi nënvizoi se edukimi shëndetësor duhet të përshtatet me moshën, kulturën dhe nevojat specifike të popullsisë, në mënyrë që të ketë një ndikim të qëndrueshëm në ruajtjen dhe përmirësimin e shëndetit publik. Foto: Edukimi shëndetësor



<https://www.facebook.com/photo/?fbid=1267684608700778&set=pcb.1267684718700767>

#### 4. Takimi i parë i Mekanizmit Koordinues Kundër Dhunës në Familje, ndaj Grave dhe në Baza Gjinore

Nën organizim të Zyrës për Barazi Gjinore në Komunën e Deçanit, u zhvillua takimi i parë i Mekanizmit Koordinues Kundër Dhunës në Familje, ndaj Grave dhe në Baza Gjinore. Qëllimi i takimit ishte shqyrtimi i progresit të arritur deri më tani dhe planifikimi i aktiviteteve për periudhën në vijim sipas Strategjisë Komunale Për Mbrojtje nga Dhuna në Familje 2024-2027 dhe Plani i Veprimit për Mbrojtje nga Dhuna në Familje 2024-2027. Gjatë takimit u caktuan prioritetet **Aktivitetet për vitin 2025**, ndërsa z. **Xhavit Nimonaj**, nga Stacioni i Policisë në Deçan, raportoi për rastet e dhunës në familje të raportuara deri në këtë fazë të vitit. Të gjitha institucionet pjesëmarrëse kontribuan me mendimet dhe sugjerimet e tyre për përmirësimin e bashkëpunimit ndërinstitucional dhe forcimin e mekanizmave mbrojtës për viktimat e dhunës. **Statistika të dhunës në familje për periudhën janar-qershor 2025:**

Sipas të dhënave nga **Stacioni i Policisë në Deçan**, për periudhën **janar-qershor 2025**, janë raportuar gjithsej **13 raste të dhunës në familje**, prej të cilave:

- **9 raste** me viktima gra
- **4 raste** me viktima burra

Gjithashtu, Dr. **Nusret Pepaj** propozoi organizimin e një trajnimit për zyrtarët përkatës me temën: **“Si të merret një deklaratë nga një person që ka përjetuar dhunë”**, si pjesë e përpjekjeve për rritjen e profesionalizmit në trajtimin e rasteve të dhunës. Takimi u zhvillua në frymën e bashkëpunimit dhe angazhimit të përbashkët për zbatimin e Planit të Veprimit Lokal për Parandalimin dhe Luftimin e Dhunës në Familje dhe në Baza Gjinore në Komunën e Deçanit. Zyra për Barazi Gjinore mbetet e përkushtuar në forcimin e bashkëpunimit ndërinstitucional dhe në adresimin e çështjeve që cenojnë sigurinë, dinjitetin dhe mirëqenien e qytetarëve, me theks të veçantë mbrojtjen e viktimave të dhunës dhe promovimin e barazisë gjinore. Foto: Mekanizmit Koordinues Kundër Dhunës në Familje, ndaj Grave dhe në Baza Gjinore



<https://www.facebook.com/photo/?fbid=1270107898458449&set=pcb.1270108148458424>

## 5. Takimi i dytë i Mekanizmit është mbajtur me datë 25.06.2025 nr. të protokollit 02/15503

**Tema:** Intervistimi i viktimës së dhunës në familje. Ligjërues: Dr. Nusret Pepaj – specialist i shëndetit mendor

Ky takim kishte për qëllim rritjen e kapaciteteve profesionale dhe ndjeshmërisë institucionale për trajtimin e rasteve të dhunës, me theks në Intervistimi etik dhe të kujdesshëm të viktimës së dhunës në familje. Dr. Pepaj paraqiti format e dhunës dhe ndikimin e tyre në shëndetin emocional të viktimës. U theksua rëndësia e bashkëpunimit ndërinstytucional dhe respektimi i dinjitetit të viktimës. Pjesëmarrës në këtë trajnim: përveç përfaqësuesve të mekanizmit lokal ishin edhe përfaqësues nga stacioni i policisë Deçan, zyra për Mbrojtje dhe Ndihmë Viktimave, gjykata themelore Pejë dega në Deçan, qendra për Strehim të Viktimave- Pejë. Qëllimi i takimit ishte rritja e ndjeshmërisë institucionale dhe përmirësimin e kapaciteteve profesionale në raport me intervistimin etik, të kujdesshëm dhe të ndjeshëm të viktimave të dhunës në familje, me theks të veçantë në dhunën psikologjike si formë e shpërfillur por thellësisht e dëmshme që do shumë kujdes trajtimi i rasteve. Ligjërues në trajnim ishte Dr. Nusret Pepaj, specialist i shëndetit mendor, i cili trajtoi temat si:

- Format e dhunës (fizike, psikologjike, ekonomike, seksuale)
- Shkaktarët e dhunës psikologjike (mungesa e vetëkontrollit, kultura patriarkale, përvoja të mëparshme dhune, varësitë, varësia emocionale)
- Pasojat emocionale dhe psikologjike tek viktimat
- Qasja terapeutike dhe ndërhyrjet institucionale
- Etika dhe ndjeshmëria gjatë intervistimit të viktimës

Në përfundim të këtij takimit u kërkuar për një qasje më të ndjeshme dhe të koordinuar ndaj viktimave të dhunës në familje. Dhuna psikologjike, edhe pse më pak e dukshme, lë plagë të thella dhe kërkon ndërhyrje gjithëpërfshirëse për ta ndalur ciklin e saj. Përmes bashkëpunimit ndërinstytucional dhe fuqizimit të kapaciteteve, Komuna e Deçanit po dëshmon përkushtim për një mjedis më të sigurt dhe të drejtë për të gjithë qytetarët.

**Foto:** Mekanizmit Koordinues Kundër Dhunës në Familje, ndaj Grave dhe në Baza Gjimore



<https://www.facebook.com/share/p/1ECQE4Kvtn/>

## 6. Takim me gratë në bujqësi dhe zhvillim ekonomik

Zyra për Barazi Gjinore, në kuadër të Zyrës së Kryetarit të Komunës së Deçanit, në bashkëpunim me Drejtorinë për Bujqësi dhe Zhvillim Ekonomik, organizoi takimin me temën: “Gratë në bujqësi dhe zhvillim ekonomik”. Në takim morën pjesë gjithsej 21 pjesëmarrës (19 gra dhe 2 burra), përfaqësues të sektorit të bujqësisë dhe bizneseve lokale. Takimin e udhëhoqi znj. Ajne Iberhysaj, ushtruese e detyrës si Zyrtare për Barazi Gjinore. Gjatë diskutimit u evidentuan disa nga nevojat dhe kërkesat kryesore të pjesëmarrëseve duke përfshirë:

- Nevojën për pajisje bujqësore dhe mbështetje përmes skemave të zhvillimit rural, me fokus të veçantë në fuqizimin ekonomik të grave;
- Ndhimën në procedurat e aplikimit për grante dhe subvencione për gratë në bujqësi;
- Mbështetje teknike në hartimin e aplikacioneve, duke rekomanduar që Komuna të angazhojë një ekspert të trajnuar për këtë proces.

Drejtori për Zhvillim Ekonomik, z. Isuf Demhasaj, Rikon firmoi përkushtimin e institucionit për mbështetjen e bizneseve lokale, me theks të veçantë tek ato të udhëhequra nga gratë. Ai gjithashtu bëri të ditur se së shpejti do të organizohet Panairi Veror, ku gratë fermerë do të kenë mundësinë të prezantojnë prodhimet e tyre bujqësore dhe artizanale. Ndërkohë, znj. Syzana Krasniqi nga Drejtoria për Bujqësi, prezantoi shërbimet dhe lehtësimet që kjo drejtori ofron për gratë fermerë dhe prodhueset bujqësore. Komuna e Deçanit, përmes Zyrës për Barazi Gjinore, planifikon që në procesin e buxhetimit të ndajë mjete të veçanta për mbështetjen e grave në bujqësi dhe ekonomi, në bashkëpunim me drejtoritë përkatëse. Në përmbyllje të takimit, u dakordua që Zyra e Kryetarit të angazhojë një ekspert të jashtëm, i cili do të ofrojë asistencë të drejtpërdrejtë për gratë në përgatitjen e aplikacioneve për përfitim nga skemat e garantëve dhe subvencioneve. Ky aktivitet është pjesë e angazhimit të vazhdueshëm të Komunës së Deçanit për fuqizimin e gruas, zhvillimin e qëndrueshëm të bujqësisë dhe promovimin e barazisë gjinore në të gjitha fushat e jetës.



<https://www.facebook.com/photo/?fbid=1291818236287415&set=pcb.1291818532954052>

7. Në kuadër të fushatës informuese dhe ndërgjegjësuese “16 Ditët e Aktivizimit kundër Dhunës në Familje dhe në Baza Gjinore”, sot u mbajtën ligjërata informuese në Shkollën Fillore “Maxhun Çeku” në Irzniq, “Heronjtë e Dukagjinit” në Gllogjan dhe “Drita” në Gramçel. Koordinatorja komunale kundër dhunës në familje, Ajne Iberhysaj, informoi nxënësit për rëndësinë dhe qëllimin e aktiviteteve, ndërsa ligjëratat u zhvilluan nga:

- Xhavit Nimanaj, shef i sektorit hetues kundër dhunës në familje;
- Violeta Kukalaj, zyrtare për arsim;
- Begije Jonuzaj, psikologe shkollore.

Nxënësit shfaqën interesim të veçantë për funksionimin e mekanizmit kundër dhunës në familje, si dhe për mënyrën e trajtimit të rasteve nga policia dhe institucionet tjera. Ata parashtruan pyetje dhe morën përgjigje të drejtpërdrejta nga anëtarët e mekanizmit.

Në fund, u shpreh falënderim për stafin arsimor dhe nxënësit për bashkëpunimin dhe angazhimin e tyre në këtë fushatë me rëndësi të veçantë për komunitetin.



<https://www.facebook.com/profilc.php?id=100063777511208>

8. Në kuadër të Fushatës Sensibilizuese “16 Ditët e Aktivizmit kundër Dhunës në Familje dhe Dhunës me Bazë Gjinore”, sot u zhvilluan ligjërata informuese në Shkollën “Bajram Curri” në Strellc të Epërm, Lidhjen e Prizrenit në Deçan dhe në Shkollën “Isa Boletini” në Isniq.

Ligjëratat u organizuan nga Ajne Iberhysaj, Koorditore e Mekanizmit Komunal kundër Dhunës në Familje, ndërsa u mbajtën nga:

• Xhavit Nimanaj, Shef i Hetimeve të Sektorit kundër Dhunës në Familje.

Gjatë këtyre sesioneve u trajtuan tema të rëndësishme si:

- Përkufizimi i dhunës në familje
  - Llojet e dhunës
  - Ndikimet psikologjike, shoqërore dhe fizike të dhunës
  - Procedurat e trajtimit dhe adresimit të rasteve
  - Korniza ligjore dhe masat institucionale që ndërmerren në mbrojtje të viktimave
- Nxënësit patën mundësi të parashtronjë pyetje, për të cilat dhanë përgjigje edhe:
- Nuriye Gashi, police hetuese kundër dhunës në familje dhe delikuencës së fëmijëve
  - Violeta Kukalaj, zyrtare nga Drejtoria e Arsimit
  - Begije Osaj-Januzaj, psikologe.

Komuna e Deçanit falënderon të gjitha institucionet arsimore pjesëmarrëse për bashkëpunimin dhe angazhimin e vazhdueshëm në rritjen e ndërgjegjësimit kundër dhunës në familje.



<https://www.facebook.com/profile.php?id=100063777511208>

9. Në kuadër të fushatës sensibilizuese “16 Ditët e Aktivizmit Kundër Dhunës në Familje dhe Dhunës me Bazë Gjinore”, e cila zhvillohet nga 25 Nëntori deri më 10 Dhjetor, Zyra për Barazi Gjinore dhe Mekanizmi Komunal Kundër Dhunës në Familje, pas takimit të mbajtur më 27 Nëntor, u dakorduan të realizojnë ligjërata dhe fushata informuese në institucionet arsimore të Komunës së Deçanit.

Mekanizmi Komunal Kundër Dhunës në Familje, i kryesuar nga koordinatoreja Ajne Iberhysaj, së bashku me:

- Xhavit Nimanaj – Shef i Sektorit të Hetimeve për Dhunë në Familje,
- Ardita Balaj-Ramizi – Drejtoreshë e Shtëpisë së Sigurisë në Pejë,
- Violeta Kukalaj – Zyrtare në Drejtorinë Komunale për Arsim,

Mbajtën ligjërata informuese në Shkollën e Mesme “Vëllezërit Frashëri” dhe Institucionin për Arsim dhe Aftësim Profesional “Tafil Kasumaj”.

Gjatë këtyre sesioneve, nxënësit u informuan për historikun e “16 Ditëve të Aktivizmit”, format e dhunës, mënyrat e raportimit dhe procedurat e trajtimit sipas mekanizmave kompetentë. Po ashtu, ata patën mundësinë të parashtronë pyetje dhe të marrin përgjigje nga profesionistët e fushës.

Komuna e Deçanit falënderon për mbështetjen:

- Hamid Qorra, Drejtor i Shkollës së Mesme “Vëllezërit Frashëri”,
- Lan Stojkaj, Drejtor i IAAP “Tafil Kasumaj”,

si dhe stafin arsimor dhe nxënësit e të dy institucioneve për bashkëpunimin dhe angazhimin e treguar.



<https://www.facebook.com/profile.php?id=100063777511208>

**10.** Sot u mbajt takimi i tretë i Mekanizmit Komunal Kundër Dhunës në Familje, në objektin e Komunës së Deçanit, me pjesëmarrjen e 15 anëtarëve të mekanizmit.

Takimin e udhëhoqi znj. Ajne Iberhysaj, ushtruese e detyrës së Zyrtares për Barazi Gjinore në Komunën e Deçanit. Përveç anëtarëve të mekanizmit, në takim ishte e pranishme edhe znj. Tringa Gjickolli, përfaqësuese e OSBE-së. Gjatë takimit, fjalën e mori përfaqësuesi i Stacionit të Policisë në Deçan, z. Xhavit Nomonaj – Shef i Hetimeve për Dhunë në Familje, i cili prezantoi statistikat e rasteve të raportuara nga janari deri në dhjetor të këtij viti. U theksua se:

- Janë raportuar gjithsej 27 raste,
- Krahasuar me vitin e kaluar, është regjistruar rënie e numrit të rasteve,
- Nga 27 rastet e raportuara:
- 15 gra,
- 5 burra,
- 7 raste të tjera dhune bashkëshortore (burrë-grua),
- Janë lëshuar gjithsej 9 urdhra mbrojtës.

Znj. Ardita Balaj-Ramizi theksoi se vetëm një pjesë shumë e vogël e rasteve të dhunës raportohen, duke ritheksuar nevojën për më shumë punë në rritjen e vetëdijes dhe mbështetjes për raportim. Znj. Pranvera Zeqiraj, përfaqësuese për ndihmë juridike falas, njoftoi se gjatë vitit vetëm një rast ka kërkuar mbështetje juridike në zyrën e saj. Ajo theksoi rëndësinë e rritjes së informimit publik lidhur me mundësinë e marrjes së këshillave juridike falas, në mënyrë që qytetarët të mos kenë shpenzime shtesë te avokatët. Gjithashtu, u diskutua rreth planifikimit të aktiviteteve për 16 Ditët e Aktivizmit. U vendos që aktivitetet sensibilizuese të fillojnë më 1 dhjetor, duke nisur me dy shkollat e mesme në Deçan dhe me pjesëmarrjen e anëtarëve të mekanizmit. Fushata do të vazhdojë në të gjitha shkollat e komunës.

Aktivitetet do të përmbillen më 10 dhjetor, me një takim sensibilizues në komunë, me pjesëmarrjen e nxënësve të shkollave të Deçanit. Takimi u përmbyll me dakordimin e të gjithë anëtarëve për vazhdimin e bashkëpunimit dhe realizimin e aktiviteteve të planifikuara.



<https://www.facebook.com/profile.php?id=100063777511208>

11. U mbajt sesi i informues mbi të drejtat pronësore dhe mjetet juridike në dispozicion Në kuadër të iniciativës PIAKOS, u zhvillua një sesion informues me temën “Të drejtat pronësore dhe mjetet juridike në dispozicion”, i titulluar Question Time – Deçan, i udhëhequr nga YMCA in Kosovo, me pjesëmarrjen e nxënësve nga shkollat e mesme të Komunës së Deçanit. Aktiviteti u realizua në Institucionin për Arsimin dhe Aftësimin Profesional (IAAP) “Tafil Kasumaj”. Nxënësit, përmes pyetjeve dhe diskutimeve aktive, patën mundësinë të informohen mbi rëndësinë e mbrojtjes së të drejtave pronësore dhe mjetet ligjore që i garantojnë ato. Në panel morën pjesë:

- Mark Kaçinari, Zyra e Avokatit të Popullit;
- Lan Stojkaj, Drejtor i IAAP “Tafil Kasumaj”;
- Ajne Iberhysaj, ushtruese detyre për Barazi Gjinore.

Çështjet kryesore të trajtuara:

- Regjistrimi dhe mbrojtja e të drejtave pronësore;
- Mjetet ligjore për zgjidhjen e kontesteve pronësore;
- Mekanizmat efektivë të zgjidhjes së mosmarrëveshjeve;
- Rëndësia e regjistrimit të pronës për mbrojtjen ligjore

Nxënësit u informuan gjithashtu për mënyrat e zgjidhjes së mosmarrëveshjeve pronësore përmes rrugëve juridike si dhe për shërbimet që ofron Drejtoria Komunale për Gjeodezi dhe Kadastër.

Ky sesion kontribuon në fuqizimin e të rinjve me njohuri dhe burime të domosdoshme për të ushtruar të drejtat e tyre dhe për të pasur qasje në drejtësi. Projekti PIAKOS implementohet nga Qendra e Trajnimeve dhe Burimeve për Avokim (ATRC), bashkë-zbatohet nga OJQ YMCA në Kosovë dhe financohet nga Banka Botërore / Fondi për Paqe dhe Shtet-Ndërtim.

Bëje Tënden – Regjistroje Pronën! <https://www.facebook.com/profile.php?id=100063777511208>

**[#BëjeTënden](#) [#RegjistrojePronën](#) [#PIAKOS](#) [#PërGratëPronare](#) [#TëBarabartëNëPronë](#)**



<https://www.facebook.com/profile.php?id=100063777511208>

12. Zyra për Barazi Gjinore, në bashkëpunim me Rrjetin “Qeliza” nga Gjakova, organizoi një takim me gra dhe vajza me temën: “Rëndësia e arsimit të grave dhe vajzave”. Takimin e udhëhoqi znj. Aulona Cenaj, koordinatore e rrjetit.

Gjatë diskutimit, pjesëmarrëset ndanë përvoja dhe sfida të ndryshme rreth arsimit, ku u theksua:

- Rëndësia e arsimit për pavarësinë ekonomike të grave dhe vajzave;
- Roli i tij në arritjen e barazisë gjinore dhe zhvillimin e shoqërisë;
- Sfidat që ende kufizojnë qasjen e barabartë në arsim;
- Mënyrat se si komuniteti mund të krijojë më shumë mundësi për gjeneratat e reja.

Çdo mendim i ndarë rikujtoi se arsimi është çelësi i pavarësisë, fuqizimit dhe barazisë.

Faleminderit të gjitha grave dhe vajzave që ndanë zërin e tyre sot. Bashkë për një të ardhme më të drejtë e më të barabartë!



<https://www.facebook.com/profile.php?id=100063777511208>

### 13. Buxhetimi me Pjesëmarrje – Gratë e Komunës së Deçanit vendosin për projektin fitues

Në kuadër të procesit të Buxhetimit me Pjesëmarrje, sot u mbajt degjimi buxhetor me gratë e Komunës së Deçanit. Takimin e hapi Drejtoresha për Buxhet dhe Financa, znj. Dafina Cacaj, e cila para të pranishmeve prezantoi buxhetin e komunës dhe mundësitë për realizimin e projekteve që prekin drejtpërdrejt komunitetin.

Pas diskutimeve dhe prezantimit të ideve, u përzgjedhën për votim dy propozime:

1. Ndërtimi i këndit të lojërave për fëmijë në zonat rurale.
2. Krijimi i një qendre për asistencë dhe praktikë.

Me shumicë votash, projekti fitues u shpall ndërtimi i këndeve të lojërave për fëmijë në zonat rurale, një investim që do të sjellë gëzim dhe hapësira të sigurta për më të vegjlit.

Drejtoresha Cacaj falënderoi të gjitha pjesëmarrëset për angazhimin dhe kontributin e tyre në këtë proces, duke theksuar se zëri i grave është thelbësor në zhvillimin e komunës.



<https://www.facebook.com/profile.php?id=100063777511208>

#### **14. FILLOI PROCESI I DËGJIMEVE BUXHETORE ME PJESËMARRJE**

Komuna e Deçanit organizoi takimin e parë publik në kuadër të procesit “Buxhetimi me Pjesëmarrje”. Ky proces u nis me gratë e Komunës së Deçanit, duke theksuar rëndësinë e përfshirjes së tyre në vendimmarrjen lokale. Për realizimin e një prej projekteve të propozuara nga gratë, janë planifikuar 35,000.00 euro.

Prezantimin e buxhetit e bëri Drejtoresha për Buxhet dhe Financa, znj. Dafina Cacaj, e cila theksoi se buxhetimi me pjesëmarrje është një formë më demokratike dhe proaktive e hartimit të buxhetit. Kjo metodë u mundëson qytetarëve të marrin rol aktiv dhe të përfshihen drejtpërdrejt në vendimmarrjen komunale, duke vendosur përmes votimit të tyre për projektet që ata vetë i propozojnë. Më 12 Gusht ju ftojmë të merrni pjesë në hapin e radhës të këtij procesi: votimin për projektin më të mirë. Zgjedhja juaj ka rëndësi – ajo do të ndikojë drejtpërdrejt në projektet që do të përfshihen në buxhetin e vitit 2026.



<https://www.facebook.com/profile.php?id=100063777511208>

#### **15. Trajnim për intervistimin e viktimës së dhunës në familje**

Zyra për Barazi Gjinore, në kuadër të Zyrës së Kryetarit të Komunës, ka organizuar trajnim me temën “Intervistimi i viktimës së dhunës në familje”, me pjesëmarrjen e anëtarëve të Mekanizmit Komunal Kundër Dhunës në Familje dhe përfaqësuesve të tjerë të institucioneve relevante.

Takimin e udhëhoqi znj. Ajne Iberhysaj, zyrtare për barazi gjinore, e cila theksoi se qëllimi kryesor i këtij trajnimi është rritja e kapaciteteve profesionale dhe ndjeshmërisë institucionale për trajtimin e rasteve të dhunës në familje – me theks të veçantë në intervistimin etik, të kujdesshëm dhe të ndjeshëm të viktimës. Ligjërues në trajnim ishte Dr. Nusret Pepaj, specialist i shëndetit mendor, i cili foli mbi format e dhunës – fizike, psikologjike, ekonomike dhe seksuale dhe ndikimin e tyre në shëndetin emocional e mendor të viktimës. Përmes diskutimeve interaktive dhe shembujve praktikë, u theksua rëndësia e bashkëpunimit ndërinstitutional dhe respektimit të dinjitetit të viktimës në çdo hap të procesit hetimor dhe mbështetës. Pjesëmarrës në trajnim ishin anëtarë të Mekanizmit Komunal kundër Dhunës në Familje dhe përfaqësues të institucioneve kyçe:

- Xhavit Nimonaj – Policia e Kosovës, Stacioni në Deçan
- Amela Pejcinoviq-Kovaçeviq – Qendra për Punë Sociale
- Luan Mehmetaj – Zyra për Mbrojtje dhe Ndhimë Viktimave
- Armend Tolaj – Administrator i Gjykatës Themelore në Pejë, dega në Deçan
- Ajshe Bala – Qendra për Strehim të Viktimave të Dhunës

Ky aktivitet është pjesë e angazhimit të komunës sonë për të forcuar mbrojtjen, koordinimin institucional dhe përkrahjen për viktimat e dhunës në familje, duke kontribuar në ndërtimin e një mjedisi më të sigurt, më të drejtë dhe më të ndjeshëm për të gjithë qytetarët tanë.



## 16. Aktivitet përmbyllës i “16 Ditëve të Aktivizmit Kundër Dhunës në Familje dhe në Baza Gjinore”

Në kuadër të fushatës globale “16 Ditët e Aktivizmit Kundër Dhunës në Familje dhe në Baza Gjinore”, Komuna e Deçanit, në bashkëpunim me Mekanizmin Komunal Kundër Dhunës në Familje, organizoi aktivitetin përmbyllës me rastin e 10 Dhjetorit – Ditës Ndërkombëtare të Drejtave të Njeriut. Të pranishmit i përshëndeti kryesuesi i Asamblesë Komunale, z. Hajdar Sutaj, i cili theksoi rëndësinë e funksionimit të mekanizmit komunal, si dhe rikujtoi se Komuna e Deçanit ka të miratuar Strategjinë dhe Planin e Veprimit Kundër Dhunës në Familje 2024–2027, me synim të qartë: zero tolerancë ndaj dhunës në familje. Ai potencoi se vetëm nëpërmjet parandalimit, bashkëpunimit institucional dhe vetëdijesimit shoqëror mund të ndërtojmë një komunitet të sigurt dhe të shëndoshë. Në aktivitet morën pjesë anëtarët e mekanizmit komunal, të cilat në adresimet e tyre theksuan mesazhin e përbashkët: [#JoDhunës](#).

Fjalimet kryesore:

- Znj. Time Kadrijaj, deputete në Kuvendin e Kosovës, nënvizoi rëndësinë e mekanizmave shtetërorë dhe zbatimit të kornizës ligjore, duke vlerësuar punën dhe përkushtimin e kryetarit të Komunës, z. Bashkim Ramosaj.

- Z. Xhavit Nimanaj, shef i Sektorit Hetues për Dhunë në Familje, prezantoi procedurat policore dhe bashkëpunimin me gjykatat, duke theksuar se gjatë vitit 2025 në Komunën e Deçanit janë raportuar 29 raste të dhunës në familje, numër që paraqet rënie krahasuar me vitin paraprak.
- Z. Luan Mehmetaj, nga Zyra për Mbrojtje të Viktimave, theksoi se që nga viti 2018 dhuna në familje trajtohet si vepër penale dhe apeloj për raportim të rasteve, sidomos nga të rinjtë që shpesh janë dëshmitarë të dhunës.
- Z. Nusret Pepaj, nga Qendra Rajonale për Shëndet Mendor në Pejë, foli për pasojat e dhunës në shëndetin mendor dhe rëndësinë e trajtimit profesional.
- Z. Hysen Balaj, përfaqësues i Drejtorisë Komunale të Arsimit, theksoi angazhimin e DKA-së në hartimin e strategjive dhe programeve edukative me fokus te familja dhe fëmijët.

Në kuadër të aktivitetit u hap edhe një ekspozitë me punimet e nxënësve të shkollave të Komunës së Deçanit, të cilët përmes artit pasqyruan realitetin dhe pasojat e dhunës, duke përcjellë mesazhin:

“Jo dhunës në familje – duam një fëmijëri të qetë dhe një familje të shëndoshë.”

Zyra për Barazi Gjinore, në kuadër të Zyrës së Kryetarit të Komunës së Deçanit, falënderon:

- Stacionin Policor në Deçan dhe komandantin z. Xhem Muriqi për bashkëpunimin e vazhdueshëm;
- Drejtorët e shkollave, prindërit dhe nxënësit për kontributin;
- Zonjën e Parë të Komunës, znj. Vlora Ramosaj;
- Znj. Violeta Kukalaj, zyrtare komunale e arsimit;
- Znj. Ajne Iberhysaj, koordinatore e Mekanizmit Komunal Kundër Dhunës në Familje;
- Znj. Begije Januzaj, psikologe;
- Si dhe të gjithë ata që kontribuojnë për një shoqëri të bazuar në respekt, barazi dhe mirëqenie për të gjithë qytetarët tanë.

<https://www.facebook.com/profile.php?id=100063777511208>



<https://www.facebook.com/profile.php?id=100063777511208>


## RAPORT PËR PJESËMARRJE NË TAKIME DHE PUNËTORI – ZYRA PËR BARAZI GJINORE

### 1. Punëtorja e Kolegjiumit të Zyrtarëve për Barazi Gjinore: Hartimi i politikave publike

Kolegjiumi i Zyrtarëve për Barazi Gjinore mbajti takimin e parë për vitin 2025, i cili përfshiu analizën retrospektive të punës gjatë vitit 2024 dhe hartimin e planit të punës për vitin aktual 2025. Gjatë diskutimeve, u identifikuan sfidat dhe sukseset, si dhe u propozuan masa konkrete për përmirësimin e angazhimit institucional në vitin 2025. Plani i punës fokusohet në:

- Rritjen e pjesëmarrjes së zyrtarëve për barazi gjinore në hartimin e politikave publike;
- Krijimin e praktikave të mira në nivel lokal e kombëtar;
- Fuqizimin e kapaciteteve për të ndikuar në proceset politikëbërëse.

Pjesë e rëndësishme e këtij takimi ishte punëtorja trajnuese për pjesëmarrjen efektive në politikëbërje, ku u trajtuan mekanizmat për ndërtimin e politikave gjithëpërfshirëse. U shqyrtua gjithashtu edhe plani legjislativ i Qeverisë së Kosovës për vitin 2025, me fokus në përfshirjen e barazisë gjinore në dokumentet strategjike dhe konsultimet publike.



### 2. Trajnim mbi Barazinë Gjinore dhe Politikat Mjedisore Komunale

Në kuadër të Qendrës së Trajnimit të Asociacionit të Komunave të Kosovës, u organizua një trajnim dyditor për zyrtarët për barazi gjinore nga të gjitha komunat e Kosovës, përfshirë edhe Komunën e Deçanit. Qëllimi i këtij aktiviteti ishte:

- Fuqizimi i rolit të zyrtarëve për barazi gjinore në fushën e mjedisit;
- Ndërlidhja e perspektivës gjinore me politikat klimatike dhe energjetike;
- Ngritja e kapaciteteve për një zhvillim të qëndrueshëm dhe gjithëpërfshirës.

Trajnimi përfshiu ligjërime mbi bazën ligjore të sektorit të mjedisit dhe energjisë, diskutime

praktike mbi planifikimin komunal për energji dhe klimë, si dhe ndarjen e përvojave komunale. Puna në grupe nxiti reflektim mbi mënyrat për të përfshirë perspektivën gjinore në hartimin e politikave mjedisore.



### 3. Punëtorja e organizuar nga OJQ “Advancin Together”



Zyra për Barazi Gjinore mori pjesë në punëtorinë mbi indikatorët për monitorimin e zbatimit të Ligjit Nr. 05/L-021 për Mbrojtjen nga Diskriminimi, organizuar nga OJQ “Advancin Together” në bashkëpunim me Zyrën për Qeverisje të Mirë – Zyra e Kryeministrit. Pjesëmarrësit përfshinin:

- Përfaqësues nga pushteti qendror dhe lokal;
- Institucioni i Avokatit të Popullit;
- Shoqëria civile dhe organizata ndërkombëtare që veprojnë në fushën e të drejtave të njeriut.

Diskutimet u përqendruan në:

- Zbatimin praktik të Ligjit për Mbrojtjen nga Diskriminimi;
- Sfidat aktuale në nivel lokal dhe institucional;
- Nevojën për përmirësim të mekanizmave të reagimit ndaj diskriminimit.


Ky aktivitet u zhvillua në kuadër të projektit të UNMIK-ut “Bëhu Partner për Mirëqenien dhe Adresimin e Diskriminimit” dhe dha rekomandime konkrete për forcimin e zbatimit të ligjit.

#### 4. Takimi Rajonal për Përdorimin e Gjuhëve Zyrtare dhe të Drejtat e Pakicave

Ministria e Administrimit të Pushtetit Lokal, në bashkëpunim me institucione vendore dhe ndërkombëtare, organizoi një takim rajonal për zbatimin e Ligjit për Përdorimin e Gjuhëve Zyrtare. Në këtë takim u trajtuan:

- Roli i rrjetit të politikave gjuhësore;
- Përfshirja gjuhësore në dokumente dhe hapësira publike;
- Koordinimi ndërinstytucional për përmirimin e përfaqësimit gjuhësor.

Pjesëmarrja në këtë takim ndihmoi në fuqizimin e të drejtave të komuniteteve jo-shumicë dhe promovimin e barazisë gjuhësore si pjesë integrale e barazisë shoqërore.



#### 5. Punëtorja me temën “Misogjinia – Ndikimi i saj në Shoqëri dhe Rrjetet Sociale” u organizua nga OSBE-së në Pejë

Punëtorja me temën “Misogjinia – Ndikimi i saj në Shoqëri dhe Rrjetet Sociale” u organizua nga OSBE-së në Pejë, me pjesëmarrjen e të rinjve, mësimeve dhe përfaqësuesve të institucioneve lokale.

Qëllimi kryesor ishte rritja e vetëdijes mbi fenomenin e misogynisë, ndikimin e saj në jetën shoqërore, kulturore dhe institucionale, si dhe rolin e rrjeteve sociale në përforcimin apo në luftimin e saj. Aktiviteti synoi nxitjen e një diskutimi të hapur dhe edukues mbi mënyrat e identifikimit dhe adresimit të misogynisë në përditshmëri. Ligjërimi kryesor u mbajt përmes një prezantimi të strukturuar trajtoi konceptin e misogynisë si një formë e urrejtjes, përçmimit, paragjykit apo diskriminimit ndaj grave vetëm për shkak të gjinisë së tyre. U theksua se misogjinia mund të shfaqet në forma të dukshme, si dhuna verbale dhe fizike, por edhe në forma të padukshme dhe të normalizuara, përmes:

- Stereotipeve gjinore,
- Nënvlërësimit të grave,

- Përfshirjen nga pozitave vendimmarrëse,
- Objektivizimin e trupit të gruas në media dhe rrjete sociale.

Gjatë diskutimit interaktiv, pjesëmarrësit sollën shembuj konkretë të shprehjeve të misogjinisë në kontekstin lokal, duke përfshirë:

- Besimin se gratë janë më pak të afta për udhëheqje,
- Normalizimin e dhunës ndaj grave,
- Gjykimin mbi pamjen, veshjen apo mënyrën e të folurit,
- Dyshimin e përvojave të grave që raportojnë dhunë apo abuzim.

U trajtua me theks të veçantë edhe ndikimi i rrjeteve sociale si platformë ku shpeshherë përhapen gjuhë urrejtjeje, sulme seksiste, ngacmime dhe forma të ndryshme të dhunës digjitale ndaj grave dhe vajzave. U theksua nevoja për masa më të forta ligjore dhe veprime konkrete për parandalimin dhe ndëshkimin e këtyre fenomeneve.

Punëtorja përfundoi me theksimin se lufta kundër misogjinisë është një proces i domosdoshëm dhe i vazhdueshëm për ndërtimin e një shoqërie të drejtë dhe të barabartë. Ky proces kërkon:

- Përfshirje aktive të institucioneve publike dhe shoqërisë civile,
- Angazhim të rinjve dhe edukim të hershëm në shkolla,
- Ndërgjegjësim përmes mediave,
- Mbështetje për viktimat dhe ndëshkim të qartë për shkelësit.



Pjesëmarrja aktive e Zyrës për Barazi Gjinore në këto aktivitete gjatë gjysmës së parë të vitit 2025 ka kontribuar në:

- Forcimin e bashkëpunimit ndër-institucional;
- Avancimin e përfshirjes gjinore në politika sektoriale dhe strategjike;
- Promovimin e barazisë dhe të drejtave të njeriut në nivel komunal dhe më gjerë.

Zyra për Barazi Gjinore mbetet e përkushtuar në ndërtimin e një qeverisjeje gjithëpërfshirëse, të drejtë dhe të ndjeshme gjinore në Komunën e Deçanit.

## **Përfundim:**

### **Nevoja për Themelimin e Komunitetit Komunal për Barazi Gjinore**

Ka munguar vullneti dhe nisma konkrete për themelimin e një komuniteti komunal për barazi gjinore, që do të përfshinte në mënyrë aktive gratë asamblistë në bashkëpunim me Zyrën për Barazi Gjinore të Komunës së Deçanit. Krijimi i një strukture të tillë do të kishte luajtur rol kyç në përfaqësimin dhe fuqizimin e grave të angazhuara në sektorët strategjikë të zhvillimit lokal, si bujqësia, turizmi familjar. Ky komunitet do të kishte ndikim të drejtpërdrejtë në:

- Ngritjen e vetëdijes qytetare;
- Sensibilizimin publik për të drejtat dhe nevojat e grave;
- Fuqizimin ekonomik të grave, në veçanti atyre në zonat rurale.

Gjatë procesit të hartimit dhe miratimit të akteve normative dhe rregulloreve komunale, është ndjerë mungesa e një zëri të organizuar që të ngritë çështjet gjinore dhe të shtynte përpara një qasje të strukturuar për:

- Lehtësimi, mbështetje, trajnimet, punëtori për fuqizimin teknik për ngritje të kapaciteteve të grave kryefamiljare.
- Promovimin e modeleve të suksesshme të grave si frymëzim për gjeneratat e reja dhe për komunitetin lokale.

Mungesa e një motoje të përbashkët dhe vizioni të përbashkët ndërmjet grave asamblistë dhe Zyrës për Barazi Gjinore ka qenë një boshllëk i ndjeshëm në këtë periudhë katërvjeçare.

Shpresojmë që në të ardhmen ky partneritet do të forcohet, dhe se do të krijohet një bazë e qëndrueshme për rritjen e pjesëmarrjes aktive të grave në zhvillimin ekonomik duke rikthyer mesazhin e fuqishëm se gratë nuk janë konkurrenca, por bashkudhëtarë, dhe se gjithmonë një grua duhet t'i zgjatë dorën një tjetër gruaje.